

閑閑老人滄水文集

附補遺二



國朝半山先生文集卷二

閑閑老人滢水文集

附補遺

(二)

趙秉文著

閑閑老人滄水文集卷六

律詩

塞上四首

窮邊四十里。野戶兩三家。山腹過雲影。波光戰日華。汲泉尋澗曲。樵路入雲斜。隨分坡田罷。還簪野草花。
因尋射鵰壘。偶到殺狐川。鹵地牛羊瘦。邊沙草木羶。一本廢城作池餘井臼。古戍斷烽煙。自說無征戰。經今六十年。

薄宦邊城裏。經年無客過。一川平地少。四面亂山多。野色連秋塞。邊聲入暮河。舊貂寒更薄。飄寄欲如何。
樹鶴連山郭。林煙接塞垣。斷崖懸屋勢。漲水沒沙痕。烽火雲間戍。牛羊嶺外村。太平閑檄手。文字付清樽。
寒夜

歲晏寒無那。夜深清欲飢。竹風驚夢斷。雪意聽窗知。稍稍鵲翻樹。蕭蕭人語籬。虛明滿吾室。何許月來時。

三山渡口

一本無口字

春水三山渡。斜陽八字堤。河淤樹身短。沙截草痕齊。地納黃流大。天銜浚澤低。故人不我見。愁思使人迷。
西陵

藹藹西陵樹。蕭條歌吹聲。客愁連斷雁。地古更荒城。山色嬌新雨。河流怒不平。浮雲臺上起。不盡古今情。

柏人光武廟

真人開有漢。帝業肇蕪蕪。洒落君臣契。艱危廟社圖。山川扶鄩邑。日月拱東都。社稷千秋里。風雲四達衢。北風吹雨雪。西日照桑榆。舊物餘翁仲。荒祠老祝巫。功臣遺像在。時有鼠銜鬚。

正覺院

西日轉廊腰。疏鐘送次寥。壞牆緣苦竹。破屋上凌霄。白髮知僧臘。青燈更客宵。葉聲風外盡。窗雨續蕭蕭。

開元寺

歲久開元寺。一作槐花落石龍。僧瓶深碧甃。蝸壁篆金容。窗影年年塔。禽棲夜夜鐘。平生睡秋雨。竹閣味偏濃。

散策

解鞍成小憩。散策遂幽欣。偶拂水邊石。坐看岩上雲。桑麻深畏景。水竹淡斜曛。興寄方自得。清涼誰與分。

陸渾

言從陸渾去。不遇一本作見紫芝還。鳥飛不盡處。夕陽千萬山。雲起動兼靜。水流忙更閑。坐待石上月。滅沒煙嵐閒。

梁園中秋

今夜梁園月。相逢照一尊。他時千里共。此會幾人存。老我追隨盡。憐渠笑語溫。不眠瞻玉兔。終夕露荷翻。

梅和尚節使挽詞二首

鏖戰羣奔外。申威一隙一本作呼閒。功名歸死事。義勇鄙生還。矢向胡天一本作邊盡。弓猶漢月彎。君王思戰苦。起冢象天山。

走卒知虔將。兒童說義州。甘心輕白羽。苦戰脫兜鍪。把絕揮戈地。創餘振臂秋。英魂知不泯。結草抗邦讐。

溫妃挽詞二首

白日森容衛。青春忽夜臺。鼎湖龍已去。祿館燕空迴。仙駕隨天遠。妝奩惻聖哀。一本作國祇應彤史上。遺采不塵埃。

容衛三春肅。如何一旦殊。妃星淪紫極。帝子沒蒼梧。卜地陪長樂。升天後鼎湖。皇情何以慰。彤管載嬪虞。

和西溪思歸

好在西溪隱。人今白玉堂。興來看畫本。夢去拂詩牆。舊竹多年合。新松幾許長。從渠黃石老。獨占白雲鄉。

獄中

處順初無累。安時故不憂。敢違一本作違身後慮。甘向死前休。有姊如工部。無兒似鄧攸。悠悠天地意。還許望松楸。

徙倚

徙倚秋原上。長吟動所思。草荒天馬瘦。日落野鷹飢。多病親朋改。中年齒髮衰。功名付公等。才力況明時。

寒食遙奠西山寺二首

榆中草色燕春水。稍漸車野祭一盂飯。鄉愁千里餘。年年寒食客。日日故園疏。莫訝交親一本作情絕。穠康懶寄書。

年來百事廢。漸與世情疎。案上一杯酒。牀頭幾冊書。春風疑渾沌。水月似空虛。頃刻翻晴晦。吾心澹久如。

赴甯化宿王道

山屋如雞柵。才容卸馬鞍。風吹四山雪。月照一川寒。不敢侵星起。惟愁上嶺難。中宵問前路。安枕若爲安。

觀音院

棟宇懸崖上。風煙勝概中。寒通汾渚月。清帶雪山風。茗水隨瓶得。茶燈鑿牖通。仍聞馬頭寺。別業亂山叢。

北垞

驅馬北垞上。山光澹復深。夕嵐無遠近。返照有晴陰。泉落莓苔石。風光松櫟林。悠然成獨酌。啼鳥是知音。

荷葉平

平生慣山水。見之如等閑。竭來驚老眼。何處無名山。巒峯千峯外。蒼茫一雨間。山神應解事。爲我洗孱顏。

蘆芽山

荷葉平初盡。蘆芽勢漸分。朝來知宿雨。谷底見歸雲。日上松猶滴。風來草自薰。臨溪歸路險。萬筏下河汾。

管州道中

龜手酸風裏。寒多酒不勝。馬蹄荒店雪。人迹斷橋冰。瘦骨成山字。霜髯作戟棱。綠窗三丈日。政爾夢騰騰。

代郡張氏瑞柏堂

鬱鬱何年植。盤盤兀老蒼。文章深篆籀。忠義抱風霜。子舍占烏鵲。孫枝託鳳凰。主人廊廟具。會見拂雲長。

謁北嶽

四大神儀一羣。山太茂尊。奠方荒冀宅。視禮配天孫。西送虞淵暮。東瞻碣石墩。寶符臨代郡。巨鎮一本作鐵壁

扼并門。控趙襟形壯。包燕氣象渾。九河探禹蹟。萬里叫虞魂。在昔登封始。初無一本作前驅羽衛繁。千官駢部

曲。萬騎隘山樊。卜地恆陽曲。移祠泰始元。晉移祠曲陽荒碑刊歲月。飛石礪乾坤。帝秩加黃屋。宮居象紫垣。雲

楣朽芝瑞。雨砌裂槐根。天業恢宏大。山靈翊衛屯。巫閭歸帝制。長白發金源。九廟龍盤接。三邦蛇勢吞。雲

煙浮近甸。日月繞中原。款謁天香重。封題御署存。銀鑪諸產富。雷雨萬靈奔。神聰差回德。天聰納正言。負

時身九死。去國淚雙痕。日近趨天闕。生還託聖恩。許身空一作徒稷契。無術補羲軒。帝籙長桑洞。一本作寺仙巖

張果村。卜居如可近。重整北山轅。

過黃崖二首

患難驚身在。龍鍾感歲新。山川愁倦鳥。歲月老行人。落日黃崖古。東風白鬢春。傷心潢水北。無乃久風塵。一作邊塵

落日逢人恐。深秋動旅懷。乳鷹家碧嶂。飢虎嘯黃崖。此道將何適。吾生尙未諧。傷心墟落裏。犬舐有殘骸。

桃花島回寄王伯直

冰破村橋擁。春寒旅雁低。遠山封霧小。高浪與雲齊。島寺明松雪。潮船濺藕泥。詩情吟不盡。寄與畫中題。

咸平道中

道壞緣岡遠。村流自作塘。夕陽開野色。秋水納山光。雨住林逾黑。鳥歸天更蒼。冥撻無好句。淡墨寫微茫。

慶雲道中

對岸青山隔。孤城碧浪開。綠蕪天際合。白鳥日邊迴。渡口呼舟急。沙頭立馬催。夕煙生極浦。欲上客衣來。

中秋金河感懷

金河今夜月。遼水一尊同。雁影不復北。馬蹄猶向東。山川新戰血。宇宙舊飄蓬。擾擾餘生事。愁來醉眼中。

登巢雲樓

烽火三年戍。沙陀幾戰場。自予甘薄宦。與子各殊方。寒木伺春色。高樓傾夕陽。如聞洗兵馬。失喜問臨潢。

和楊子元二首

紅葉如人老。黃花與世疎。物華行婉婉。天宇迴澄虛。山作屏風畫。雁成人字書。相逢一杯酒。秋興各何如。

小雨斑斑落。庭槐槭槭疎。秋涵山骨冷。天入水痕虛。多病難忘酒。窮愁強著書。深慚靈感老。時復問何如。

松下獨酌

行人隱微徑。古寺帶平岡。山勢依城斷。河流入野長。樹欹枝壞道。草臥壓頽牆。獨酌無人共。松風薦一觴。

松山道中

松漠三百里。飄然一日中。山長雲不斷。地迥雪無窮。遠嶺貪殘照。深林貯晚風。煙村一回首。獨鶴下晴空。

疊翠巖三首

枯枿似黔突。斷崖如削瓜。林深自風雨。地古更煙霞。腳力行將盡。雲山殊未涯。試窮千里目。直北際龍沙。飛身清曠外。著眼有無間。崖斷疑無路。雲開更有山。鳥隨天影沒。人自日邊還。歸夢挾清境。詩情不得閑。帳殿臨青嶂。蒼崖襲翠煙。孤根盤厚地。秀色入蒼天。井有四時雪。岩垂萬古泉。皇情非暇豫。問俗到山川。

陪李舜咨登憫忠寺閣

日月躔雙栢。風煙約寸眸。雲山浮近甸。宇宙有高樓。鳥外餘殘照。天邊更去舟。登臨有如此。況接李膺遊。

宿崔家莊

野次寒山外。人家霽雨中。飢鷹蹲落照。危葉顫西風。牆缺青山補。橋欹白水通。豐年聞好語。倚杖問衰翁。

過淖水

夕陰山谿^{谿字}處。平照大河流。漠漠雲間樹。悠悠天際舟。黃塵隨匹馬。白水自雙鷗。會得閑中趣。浮生半白頭。

通許道中南征

曉逐三軍發。清寒苦不禁。征驂過野店。一本作路寒犬出疎林。宿火留行客。霜枝滑凍禽。據鞍閑覓句。愁些不成吟。

廬州城下

月暈曉樹城。風高夜斫營。角聲寒水動。弓勢斷鴻驚。利鏃穿吳甲。長戈斷楚纓。迴看經戰處。慘淡一本作絕暮煙一本作寒生。

章宗挽詞

鳳紀三千歲。龍飛二十年。竟弊徽號冊。空頌柏梁篇。授聖金縢起。遺言玉几宣。建平何苦讖。雨泣戴仁天。暮春

自嗟中歲在。不與暮春宜。非復歡娛地。其如老大時。百年歸覽鏡。萬事入支頤。此意無人會。陶情一賦詩。汝璽酒尊

秘色創尊形。中泓貯醪醴。縮肩潛蠅艇。蟠腹漲青甯。巧琢晴嵐古。圓嗟碧玉瑩。銀杯猶羽化。風雨慎絨局。湧雲樓雨

滿地江湖夢。連陰晦朔秋。雨中山似醉。風外浪如愁。眼病憎黃卷。心安任白頭。明年一官滿。誰復話登樓。窮愁二首

乍喜三庚伏。還驚一葉涼。窮愁天色少。睡思雨聲長。掩卷悲興替。懷人間在亡。平生庾開府。詩興未能忘。

何處新秋好。飄蕭意欲仙。乍涼新雨後。欲曙未明前。莎影蛩吟地。松梢鶴唳天。物情無好醜。適意各天然。

和潘師韻

睽離三十載。重此叩元微。日月雙蓬鬢。乾坤一布衣。月明渦水宿。秋老華峯歸。不得陪仙馭。浮生有是非。

和政老九日韻

數日閑齋臥。體中殊不佳。那知是重九。但喜見黃花。矯首懷天末。攜壺傍水涯。琳宮題壁處。醉墨字欹斜。

贈茅先生

二室神仙宅。三茅道士家。野人遺竹箒。劉仙編竹箒以給公朝夕弟子掃松花。有道能擒虎。無心任踐蛇。一本作踏天平有陳迹。吾欲老煙霞。去歲兵至公庵。公了無懼色。兵亦不敢害。

大雪二首

大雪無朝暮。衰年見未曾。園林春浩蕩。川岳氣憑陵。雲慘天應漏。陽微井欲冰。欲尋安道舍。何處一龕燈。

雪霽

黃雲霽雪威。寒日淡暉暉。雨砌晴猶滴。一本作先風簷落更飛。侵淩池面瘦。擁腫樹身肥。長憶廬陵老。憂時咏鐵衣。

十月菊得深字

地偏開較晚。風勁可能禁。雨漬金英淺。寒添紫暈深。抱叢無晚一本蝶。窺蕊有貞禽。留待飄零後。梅花約重尋。

白雁

波淨影逾白。霜清鳴一本更哀。乾坤雙鬢老。風雪一聲來。休迴隱猶見。天長去復迴。物情嫌太潔。莫使羽

毛摧。

雪

朔雲連鄭圃。飛雪滿梁園。猛勢池心滅。清聲竹外繁。飢鴉寒啄樹。販屨踵臨門。何以娛佳客。開軒對一尊。

野菊

離離巖下菊。無主混蓬茅。路斷秋光隔。山明水影交。荒叢鳴蟋蟀。寒葉掛蟪蛄。擬訪陶廬飲。柴扉何處敲。

嶽觀

步履方壇上。行吟避草芽。簾聲風拂燕。池影柳蹲鴉。天入濛濛雨。春歸淡淡花。遊春心未老。牆外度香車。

秋雨

天邊認遙電。雲際尙殘陽。雨腳夜深白。濤頭曉霽黃。沙邊明雁影。林下見山光。擬盡登高興。秋懷祇自傷。

手招樺皮彈琴圖

何人聊幻巧。袖裏出毫端。道眼無二見。齊心廢六官。煩君無耳聽。寓我非指彈。攬卻伯牙手。秋風萬籟寒。

早出新安驛

一
無
驛字

夜宿新安驛。平明雪塞礮。馬頭迷舊路。虎跡印新泥。冰凍寒流狹。天銜遠路低。人稀山店遠。茅屋只聞雞。

明惠皇后挽歌詞四十首

皇明齊月象。厚德配坤元。惻怛憂民意。勤勞毓聖恩。國風悲卷耳。星緯暗軒轅。喪妣人心痛。哀號望寢園。威儀文物備。祖載出遐塗。薄葬追三代。嚴禋致九虞。仁恩遺鳳詔。功德載龜趺。左右重興業。詩書讀永圖。太極齊元始。三光並照臨。勤勞憂國念。惻怛愛民心。元鳥歌殷母。思齊詠太任。兩朝難儷美。萬古播徽音。階萸凋葉盡。宮漏滴聲殘。玉几俄遺訓。龍樓罷問安。雲容愁慘戚。風色動悲酸。萬古餘功德。煌煌玉冊寒。疇昔占蟲夢。今來歎鳳飛。漢宮貽內則。文母謝芳徽。永臥重泉夜。空餘大練衣。魏郊甯久駐。會看德陵歸。阿母瑤池去。應歸海上峯。寶奩空有象。練幄靜無蹤。孝享嚴三廟。輿儀備九龍。獻陵今密邇。揮淚灑楸松。聖德高千古。慈幃十萬春。地維傷絕紀。月彩忽輶輪。應物歸先識。憂民感至仁。神儀雖已闕。遺範不埃塵。膺符稱太母。衍慶廣金源。衣練獨重彩。躬蠶屈至尊。賜冰防病渴。恤獄恐民冤。孝意遵遺訓。詞臣歎永言。葛覃歌節用。卷耳頌求賢。遽厭人間世。還爲物外仙。會觀羞湛一本作歌露。無復夢捫天。玉座虛長樂。依然夜月懸。

謙抑傳家法。寬仁沃帝聰。禮崇光教塔。時奉孝嚴宮。阜隸恩皆及。嬪妃愛悉同。繞階花泣露。應是怨西風。慶源鍾馬鄧。何止活千人。陰化行中壺。私權抑外親。鳳輿歸厚夜。蠶館閉長春。蕭寺諸嬪御。能忘賜膳頻。

方享東朝奉。俄幾甲子還。玉梳音窅窅。彤管事班班。陵寢音容闕。蓬萊日月閑。丁憂遺詔在。恩澤滿人間。式屬多難際。方承長樂歡。霜飛金殿冷。月沒桂宮寒。雨泣愁雲慘。風悲薤露殘。南山爲樂石。遺美豈能刊。一紀坤儀正。千齡母範彰。徽音齊太妣。厚德配娥皇。衣練昭純儉。因山戒厚藏。傷心彤史上。千古播遺芳。緱氏傳仙裔。燕山啓夢符。化人先正己。祈福爲民敷。疾殆申遺命。憂深示永圖。傷心虞帝事。煙雨暗蒼梧。奔走來羣辟。哀摧動百靈。妖氛湮壁月。霄漢隕軒星。玉几貽周訓。妝奩泣漢庭。遺言遵薄葬。神意想來寧。身尊恆率禮。名正更持謙。椒掖坤儀正。天庭母訓嚴。鴻名登玉簡。遺像入霜縑。異日朝陵處。應須啓鏡奩。寬和能待物。凝密勸行仁。道德持三寶。恩私逮四民。兩朝隆漢禮。十亂冠周臣。一旦仙遊去。空餘四海春。心知爲善樂。敬傳又尊師。國化濯衣儉。民歌賜藥慈。誦經虛玉案。奉佛冷金巖。遺旨無窮恨。風吹徧九疑。六綽辭秋殿。元堂啓夜扉。一朝藏壽器。千載闕容衣。懸象軒星掩。哀歌薤露稀。松楸交隧道。會有五雲飛。保阿成訓在。闡闕令儀昭。儉德高千古。仁聲溢兩朝。事隨流水逝。愁逐冷雲飄。仙馭知何適。憑誰問泐寥。陰化昆乾造。熙朝賴母臨。功勳新女史。德澤浹人心。偃月丰容閉。軒星瑞彩沈。笳聲哀不盡。陵柏自森森。元勳施社稷。茂德庇人民。色養嗟中阻。靈遊忽上賓。侍臣歌薤露。神物護龍輜。耐廟推尊謚。千齡寶冊新。太妣敦周化。塗山啓夏家。尊名天比峻。淑德日增華。孝享心何切。仙游望愈賒。空餘遺令在。攀慕極幽遐。天禍纏興慶。幽堂掩后禋。徽音知有嗣。孝養痛長違。夜月空椒屋。秋風冷玉衣。遙瞻陵寢上。慘淡暮雲飛。風急搖寒樹。虹蜚薄太陰。雲隨仙馭遠。塵入綺簾深。索莫長秋外。蕭條湘水潯。聖情時悵望。流淚滿宸襟。

吉夢捫天後。明禋配地時。嬪虞彰淑慎。生武極恩慈。無復全興返。空瞻畫雲馳。蕭蕭松柏路。長夜闕神儀。
玉音昭懿行。彤管列閔休。今日歸陵寢。何年返玉樓。聖心方盡孝。鸞馭竟難留。陵樹西風裏。千秋萬古愁。
羣生資茂育。至德果難名。憑几言猶在。因山事已成。西風翻畫雲。落日送銘旌。羽衛歸來晚。蕭蕭萬馬鳴。
音容歸壽器。管御玉衣閑。聖孝空如慕。慈顏痛莫攀。雲愁縈汴水。霧慘鎖夷山。悵望白楊路。翟車竟不還。
孫謀貽嗣聖。內教輔先朝。孝敬全終始。勤勞繼夙宵。民災憂水殄。邊患慮天驕。大漸惟幾際。猶思儉德昭。
一紀成功著。乘鸞上九天。物生恩德載。聖慮想恩憐。儉素言猶在。寬慈事有傳。禁幃斜日晚。空鼻寶爐煙。
飄飄成遠駕。寂靜掩元堂。蕩蕩神功著。巍巍聖業彰。周任揚溢美。漢鄧藹餘芳。末命丁寧意。憂民不暫忘。
寢讚存公議。無慚六后名。妝奩空有迹。珮玉寂無聲。祭享升清廟。哀號動聖情。神靈陰有力。保佑再昇平。
蘋藻親三奠。禱禴備六衣。坤元方載物。軒宿遽淪暉。廟貌嚴新祔。神遊邈不歸。白雲無處所。長傍德陵飛。
馮相方觀視。巫陽忽告災。千秋臨寶殿。一夕闕泉臺。纏綿悲長往。靈輜挽不回。昊天思罔極。長使聖情哀。
仙源周太子。華裔漢徵君。生聖休祥著。憂民儉德勤。姜源忻懿範。光烈慙鴻勳。輔就中興業。飄然返白雲。
屢輅陳彝憲。龜人獻吉占。郊衢笳鼓咽。羽衛禁兵嚴。雲氣迎鸞馭。秋塵翳寶奩。祝官揚至德。簡冊發幽潛。
月殿封鸞鑑。風幃臥佩環。百神來肅衛。萬騎盡虛還。雨泣銘旌濕。風淒總幄閑。仙遊無覓處。追慕慘宸顏。
月暈驚虧薄。川流駭沸騰。憂勤終爽豫。報施似無憑。長夜扃銀海。愁雲慘玉繩。聖心哀念切。素幄每晨興。

河上二首

築堰分泉脈。開溝斷荻芽。風期占月暈。水信讖桃花。
早愛瀕河麥。晴憐喚雨鳩。春隨挑菜侶。月趁捕魚舟。
雪中登真定閣

風月下如意。寺樓高處吟。城中一萬戶。一雪太平心。
連雲潮退

夕陽明島寺。海氣入邊城。潮落青魚出。泥深白鳥行。
郎山雜咏十首

天城山

造化搏清氣。秀出天城山。青松伴僧老。白雲如我閑。

馬耳峯

房廡落人間。入石露雙碧。月明聞夜嘶。驚落山頭石。

仙人峯

世界幾微塵。古今一昏曉。笑謝區中緣。獨立萬物表。

摩雲峯

青山本無情。白雲自來往。身在浮雲中。仰看浮雲上。